

Arkiv	Saksbehandlar	Møtedato	Sak nr.
642.2	Knut Øyjordet	30.03.17	21/17

JOTUNHEIMENKORTET – REVIDERING AV SAMARBEIDSAVTALA

Saksdokument:
Gjeldande avtale.

Saksutgreiing og vurdering:

Luster fjellstyre, Vågå fjellstyre og Lom fjellstyre inngjekk i 2010 ei samarbeidsavtale om felles fiskekort for Jotunheimen. Målet var å gje gjestar på vandring i Jotunheimen tilbod om eit felles stongfiskekort for den mest "sentrale" delen av området. Avtala er slik:

Fiskekort Jotunheimen er eit samarbeid mellom Luster austre statsallmenning, Vågå fjellstyre og Lom fjellstyre.

Fiskekort for stong og handsnøre gjeld for sentrale delar av Jotunheimen innanfor allmenningsgrensene avgrensa i nordaust og aust av grensa for Jotunheimen nasjonalpark, i sør av grensa mot Vang og Årdal kommunar, og i nordvest av rv 55. Kart over gjeldande område skal følgje kortet.

- *Kortet gjeld stongfiske og handsnøre, 1-døgn, 3-døgn og veke- og sesongkort.*
- *Prisar frå 2013: 1-døgn kr 85, 3-døgn kr 170, veke kr 275, sesong kr 550.*
- *Lom fjellstyre tek ansvar for å administrere ordninga. Dette skal godtgjerast med 5 % av brutto kortsal.*
- *Kortseljar får 15% provisjon.*
- *Fordeling av netto inntekt etter frådrag av fakturerte utgifter: 50 % til Lom fjellstyre, 30% til Vågå fjellstyre og 20 % til Luster austre statsallmenning.*
- *Oppgjer til fjellstyra skal skje innan 1.desember i gjeldande år.*
- *Avtala gjeld frå sommaren 2013 og inntil ein av partane seier den opp. Dette skal gjerast skrifteleg innan 01.01. i påfølgande år.*
- *Avtala finst i 3 eksemplar, eitt til kvart fjellstyre.*

I Langmorkje følgjer grensa for Jotunheimenkortet nasjonalparkgrensa. På Sognefjellet går grensa langs vegen, som visstnok er ei utfordring for Sognefjellshytta, som blir liggjande på kortgrensa både for det lokale fiskekortet til Lom fjellstyre og for dette felleskortet. Om grensa for dette kortet blir flytta slik at området Dumdalen – Storevatnet på Lom si side av grensa blir innlemma (forslag frå Lom fjellstyre), og Skålavatnet – Herva på Luster si side, vil det gjera kortet meir attraktivt. Luster er positiv til denne endringa. Om grensene blir endra, vil det vere naturleg å sjå på fordeling av overskotet. Lom har det største arealet i dag, og vil få det største tillegget etter ei eventuell endring.

Siste prisjustering på kortet var i 2013. Og for å følgje prisutviklinga, bør det skje ei auke nå. Prisrammene for fiske i statsallmenning er følgjande: døgnkort kr. 100, vekeskort kr. 350 og sesongkort kr. 700.

Fiske er ein ressurs som i enda større grad kan utnyttast, og Jotunheimenkortet har potensial for større sal. Brutto omsetning i 2016 var kr 56.585, netto inntekt til fordeling var kr 44.134. Men for å kunne synleggjere dette tilbudet betre, trengst det midlar til marknadsføring, som t.d. film og bilde, og utvikling av salsider. Dette kan t.d. skje gjennom Intaur, og deira samarbeidspart Fishspot.

Elles har NFS teke initiativ til tiltak for auka sal av fiskekort, og har søkt om midlar frå Grunneigarfondet til dette. Gjennom eit samarbeid med Inatur og Fishspot, kan fjellstyra kjøpe presentasjonssider på norsk og engelsk. Desse har online sal av fiskekort, og dei kan linkast til andre tilbud på Inatur som hytter og eigne fiskekortordningar. Ei slik side kostar kr. 4.000 årleg. I tillegg kjem eingongskostnader til å dekkje grafisk utforming, og eventuelt fotopakke og film.

Innstilling til vedtak:

I samband med revisjon av avtala om Jotunheimenkortet, godkjenner Vågå fjellstyre følgjande forslag til revidert avtale:

Fiskekort Jotunheimen er eit samarbeid mellom Luster fjellstyre, Vågå fjellstyre og Lom fjellstyre.

Fiskekort for stong og handsnøre gjeld for sentrale delar av Jotunheimen innanfor allmenningsgrensene avgrensa i nordaust og aust av grensa for Jotunheimen nasjonalpark, i sør av grensa mot Vang og Årdal kommunar, og i nordvest av Dumdalen-Storevatnet-Skålavatnet. Kart over gjeldande område skal følgje kortet.

- *Kortet gjeld stongfiske og handsnøre, 1-døgn, 3-døgn og veke- og sesongkort.*
- *Prisar frå 2017: 1-døgn kr 90, 3-døgn kr 180, veke kr 300, sesong kr 600.*
- *Lom fjellstyre tek ansvar for å administrere ordninga. Dette skal godtgjerast med 5 % av brutto kortsal.*
- *Kortseljar får 15% provisjon.*
- *Korta skal så langt råd seljast digitalt.*
- *Fordeling av netto inntekt etter frådrag av fakturerte utgifter: 60 % til Lom fjellstyre, 20% til Vågå fjellstyre og 20 % til Luster fjellstyre.*
- *Oppgjer til fjellstyra skal skje innan 1.desember i gjeldande år.*
- *Avtala gjeld frå sommaren 2017 og inntil ein av partane seier den opp. Dette skal gjerast skrifteleg innan 01.01. i påfølgande år.*
- *Avtala finst i 3 eksemplar, eitt til kvart fjellstyre.*

Dagleg leder får fullmakt til å godkjenne bruk av inntekter av Jotunheimenkortet til felles opplegg for sal og marknadsføring.

Vedtak:

Samrøystes: Som innstillinga.

Rett utskrift. Går til:

Lom fjellstyre og Luster fjellstyre

Vågåmo, 30.03.17

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no